



ШИНЖЛЭХ УХААН, ТЕХНОЛОГИЙН ИХ СУРГУУЛЬ
**ХҮНС, ХӨНГӨН ҮЙЛДВЭРЛЭЛ,
ДИЗАЙНЫ СУРГУУЛИЙН ЗАХИРЛЫН
ТУШААЛ**

2026 оны 04 сарын 30 өдөр

Дугаар А/26

Улаанбаатар хот

Тэнхимийн эрхлэгчийг сонгон шалгаруулах
үйл ажиллагааны удирдамж батлах тухай

ШУТИС-ийн дүрмийн 5.11 дэх заалт, ШУТИС-ийн Ректорын 2026 оны 04 дүгээр сарын 03-ны өдрийн “Зарим тэнхимүүдийн эрхлэгчийн сонгон шалгаруулалт явуулах тухай” А/115 дугаар тушаал, ШУТИС-ийн Ректорын 2026 оны 04 дүгээр сарын 30-ны өдрийн “ХХҮДС-ийн тэнхимийн эрхлэгчийн сонгон шалгаруулалт явуулах тухай” А/147 дугаар тушаал, ШУТИС-ийн Ректорын 2025 оны 03 дугаар сарын 18-ны өдрийн “Эрх олгох тухай” А/77 дугаар тушаалыг тус тус үндэслэн ТУШААХ нь:

1. “ШУТИС-ийн бүрэлдэхүүн Хүнс, хөнгөн үйлдвэрлэл, дизайны сургуулийн тэнхимийн эрхлэгчийг сонгон шалгаруулах үйл ажиллагааны удирдамж”-ийг хавсралтаар баталсугай.

2. Батлагдсан удирдамжийг үйл ажиллагаанд баримтлан, сонгон шалгаруулалтыг зохион байгуулахыг “Хүнс хөнгөн үйлдвэрлэл, дизайны сургуулийн тэнхимийн эрхлэгч нарыг сонгон шалгаруулах комисс”-т үүрэг болгосугай.

ЗАХИРАЛ



Н.ГАНЗОРИГ

ШУТИС-ИЙН БҮРЭЛДЭХҮҮН ХҮНС, ХӨНГӨН ҮЙЛДВЭРЛЭЛ, ДИЗАЙНЫ СУРГУУЛИЙН ТЭНХИМИЙН ЭРХЛЭГЧИЙГ СОНГОН ШАЛГАРУУЛАХ ҮЙЛ АЖИЛЛАГААНЫ УДИРДАМЖ

Нэг. Нийтлэг үндэслэл

- 1.1. ШУТИС-ийн бүрэлдэхүүн Хүнс, хөнгөн үйлдвэрлэл, дизайны сургуулийн Дизайны тэнхимийн эрхлэгч, Хүнсний инженерчлэлийн тэнхимийн эрхлэгчийг тус тус сонгон шалгаруулахтай холбогдсон харилцааг зохицуулахад энэхүү удирдамжийг баримтална.
- 1.2. Тэнхимийн эрхлэгчийн сонгон шалгаруулалтыг зохион байгуулахдаа хүний эрх, нэр төр, мэргэжлийн нэр хүндийг хүндэтгэх, үндэс, угсаа, хэл, арьсны өнгө, нас, хүйс, нийгмийн гарал үүслээр нь ялгаварлан гадуурхахгүй байх, тэгш хандах, хууль тогтоомж, шударга ёсыг дээдлэх, нууцыг хадгалах, нээлттэй ил тод, ашиг сонирхлын зөрчлөөс ангид байх зарчмыг баримтална.
- 1.3. ШУТИС-ийн Ректорын тушаалаар батлагдсан “Хүнс, хөнгөн үйлдвэрлэл, дизайны сургуулийн тэнхимийн эрхлэгч нарыг сонгон шалгаруулах комисс” нь энэхүү удирдамжийн дагуу сонгон шалгаруулалтыг явуулж, үр дүнгийн тайлан, холбогдох материалыг ШУТИС-ийн Захиргааны удирдлагын газарт хүргүүлнэ.
- 1.4. Сонгон шалгаруулалтын комиссын нэг гишүүнийг нарийн бичгийн даргаар сонгон ажиллуулна.
- 1.5. Хүнс, хөнгөн үйлдвэрлэл, дизайны сургуулийн тэнхимийн эрхлэгч нарыг сонгон шалгаруулах зарыг ШУТИС-ийн албан ёсны вэб хуудас, бүрэлдэхүүн сургуулийн веб хуудас, сошиал сувгууд ашиглан нийтэд хүргэнэ.

Хоёр. Хүнс, хөнгөн үйлдвэрлэл, дизайны сургуулийн тэнхимийн эрхлэгчийн албан тушаалд нэр дэвшигчид тавих шаардлага

- 2.1. Дараах шалгуур, шаардлагыг хангасан Монгол Улсын иргэн нь тэнхимийн эрхлэгчийн албан тушаалын сонгон шалгаруулалтанд нэр дэвших эрхтэй. Үүнд:
 - 2.1.1. Доктор (Ph.D)-с доошгүй эрдмийн зэрэгтэй;
 - 2.1.2. Тухайн тэнхимийн сургалт, судалгааны аль нэг чиглэлээр дээд боловсрол эзэмшсэн;
 - 2.1.3. Их, дээд сургууль, эрдэм шинжилгээний байгууллагад 10-аас доошгүй жил ажилласан;
 - 2.1.4. Багшлах болон эрдэм шинжилгээ, судалгааны ажлын дадлага, туршлагатай;
 - 2.1.5. Мэргэжлийн чиглэлээр салбартаа нэр хүндтэй, хариуцсан нэгжийн сургалт, эрдэм шинжилгээний ажил, үйлдвэрлэлийн холбоог хөгжүүлэх чадвартай;
- 2.2. Сонгон шалгаруулалтад оролцогч иргэн зөвхөн нэг тэнхимийн эрхлэгчийн албан тушаалд нэр дэвших эрхтэй.

Гурав. Сонгон шалгаруулалтад оролцох хүсэлтийг хүлээн авах, бүртгэх

- 3.1. Нэр дэвшигч дараах материалыг бүрдүүлнэ. Үүнд:
 - 3.1.1. Сонгон шалгаруулалтад оролцогчийн гараар бичсэн хүсэлт;
 - 3.1.2. Төрийн албан хаагчийн анкет, зурагтай (Төрийн албаны зөвлөлийн 2022 оны 11 дүгээр сарын 14-ний өдрийн 600 дугаар тогтоолоор баталсан анкет);

- 3.1.3. Иргэний үнэмлэхийн хуулбар (E-mongolia системээс авсан лавлагаа);
- 3.1.4. Боловсролын түвшин, эрдмийн зэрэг, цолыг тодорхойлсон баримт бичиг (хэрэв гадаад улсад их, дээд сургууль төгссөн бол боловсролын баримт бичгийн баталгаат орчуулгыг хавсаргах)-ийн хуулбар;
- 3.1.5. Ажлын туршлагын шаардлагыг хангасан тухай нотлох баримт (нийгмийн даатгалын дэвтэр, хөдөлмөрийн дэвтэр, албан тушаалд томилогдсон, чөлөөлөгдсөн тушаал шийдвэр г.м.)-ийн хуулбар, лавлагаа;
- 3.1.6. Бүтээлийн жагсаалт;
- 3.1.7. Тэнхимийг хөгжүүлэх мөрийн хөтөлбөр. Мөрийн хөтөлбөрийг гурван жилээр хэрэгжүүлэхээр төлөвлөн, дараах агуулгаар боловсруулсан байна. Үүнд:
 - 3.1.7.1. ШУТИС-ийн Удирдах зөвлөлийн 2024 оны 12 дугаар сарын 06-ны өдрийн 13 дугаар тогтоолоор шинэчлэн баталсан “ШУТИС-2030 стратеги төлөвлөгөө”-ний стратегийн үндсэн зорилт, чиглэлийн хүрээнд тухайн Тэнхимд хэрэгжүүлэх үйл ажиллагаа;
 - 3.1.7.2. Тэнхимийн хэрэгжүүлдэг сургалтын хөтөлбөрүүдээр суралцагчийн тоог нэмэгдүүлэх, сургалтын чанар, материаллаг баазыг дээшлүүлэх, хөтөлбөр хөгжүүлэх зорилгоор хэрэгжүүлэх ажил, тэдгээрийн хүлээгдэж буй үр дүн;
 - 3.1.7.3. Тэнхимийн гадаад харилцаа, хамтын ажиллагаа, нийгмийн түншлэл, мэргэжлийн үйлчилгээ болон оюутны үйлчилгээг хөгжүүлэх чиглэлээр хэрэгжүүлэх ажил, тэдгээрийн хүлээгдэж буй үр дүн;
 - 3.1.7.4. Тухайн тэнхимийн хөгжлийг хангахад чиглэсэн өөрийн санаачлан хэрэгжүүлэхээр төлөвлөж буй ажил, төсөл, хөтөлбөр;

Тайлбар: Бүрдүүлсэн баримт бичгийг нотариатаар баталгаажуулсан байхыг шаардахгүй бөгөөд баримт бичгийн үнэн зөвийг хүсэлт гаргасан иргэн өөрөө бүрэн хариуцна.

- 3.2. Сонгон шалгаруулалтад оролцохыг хүссэн иргэн бүрдүүлсэн баримт бичгийг дугуйнд хийж битүүмжлэн, ШУТИС-ийн хичээлийн төв байрны 1-314 тоот өрөөнд (Хүнс, хөнгөн үйлдвэрлэл, дизайны сургуулийн захирлын туслах) өөрийн биеэр хүлээлгэн өгнө.

Хүлээн авах хугацаа: 2026 оны 05 дугаар сарын 04-ний өдрийн 09:00 цагаас
2026 оны 05 дугаар сарын 08-ны өдрийн 12:00 цаг хүртэл (Ажлын өдрүүдэд)

Холбоо барих утас: 99502554 (Ажлын цагаар)

- 3.3. Сонгон шалгаруулалтын комисс нэр дэвшигчдийн ирүүлсэн материалтай танилцаж, нэр дэвшигч тус бүрээр материалын бүрдэл хангасан эсэх, нэр дэвшигч нь тавигдсан шалгуур шаардлагыг хангаж байгаа эсэх, боловсруулсан мөрийн хөтөлбөр нь 3.1.7 заалтанд дурдсан агуулгатай нийцэж байгаа эсэхийг нягтална.
- 3.4. Нэр дэвшигч нь заагдсан шалгуур, шаардлагыг хангаагүй, бичиг баримтын бүрдэл дутуу бол тухайн нэр дэвшигчийг сонгон шалгаруулалтаас хасах үндэслэл болно.

Дөрөв. Нэр дэвшигчийг сонгон шалгаруулах, шийдвэр гаргалт

- 4.1. Сонгон шалгаруулалтын комисс үйл ажиллагааны хуваарийн дагуу нэр дэвшигчдийн холбогдох материалтай танилцана.
- 4.2. Тэнхимийн эрхлэгчийн албан тушаалд нэр дэвшигчийн бүрдүүлсэн баримт бичиг нь тухайн ажлын байранд тавигдах шаардлага болон бусад тавигдсан нөхцлийг хангасан эсэхийг Сонгон шалгаруулалтын комисс нэг бүрчлэн шалгаж, баримтыг дутуу бүрдүүлсэн болон тавигдах шаардлага хангаагүй тохиолдолд сонгон

- шалгаруулалтаас хасна (нэр дэвшигчийн эзэмшсэн дээд боловсрол нь тухайн тэнхимийн сургалт, судалгааны аль нэг чиглэлд нийцэж буй эсэхийг комисс тогтооно).
- 4.3. Материалын бүрдэл нь шаардлага хангасан нэр дэвшигч мөрийн хөтөлбөрөө Сонгон шалгаруулалтын комиссоос товлосон өдөрт хуваарийн дагуу Сонгон шалгаруулалтын комисс болон тухайн нэр дэвшсэн тэнхимийн хамт олонд танилцуулан үнэлүүлнэ.
 - 4.4. Сонгон шалгаруулалтын комисс 40 хүртэл оноо, тэнхимийн хамт олон 60 хүртэл оноогоор нэр дэвшигчийг үнэлнэ. Үнэлгээний аргачлал, маягыг Сонгон шалгаруулалтын комисс боловсруулна.
 - 4.5. Нэр дэвшигчдийн мөрийн хөтөлбөрийн танилцуулга хурлын бэлтгэл ажлыг захирлын туслах, тухайн тэнхимд харьяалагдах нэр дэвшээгүй зарим багш, сургалтын мастерууд хамтран хариуцна. Хурлын тэмдэглэлийг тухайн тэнхимийн сургалтын мастер хөтлөнө.
 - 4.6. Сонгон шалгаруулалтын комиссын дарга хурлын дэгийг тогтоон, хурлыг удирдана.
 - 4.7. Хурлын төгсгөлд нэр дэвшигчид өгөх үнэлгээг хамт олноос нууц санал хураалтаар авна.
 - 4.8. Санал өгөх тэнхимийн хамт олны нэрсийн жагсаалтыг нарийвчлан гаргаж, баталгаажуулсан саналын хуудсаар санал авна. Хуралд танхимаар оролцсон багш, ажилтан санал өгөх эрхтэй бөгөөд түр чөлөөтэй байгаа багш, ажилтны оролцох эрхийг хязгаарлахгүй.
 - 4.9. Тэнхимийн хамт олны 2 төлөөлөл болон Сонгон шалгаруулалтын комиссын нарийн бичгийн дарга нууц санал хураалтыг тоолж, нэр дэвшигч бүрээр гаргана.
 - 4.10. Сонгон шалгаруулалтын комиссын гишүүдийн саналыг комиссын дарга нэгтгэнэ.
 - 4.11. Сонгон шалгаруулалтын комисс нэр дэвшигч бүрээр нийт оноог нэгтгэн эрэмбэлж, тэнхимийн хамт олонд танилцуулна.
 - 4.12. Сонгон шалгаруулалтын комисс нь сонгон шалгаруулалтын үйл ажиллагааны тайлан, хурлын тэмдэглэл, шалгарсан нэр дэвшигчийн холбогдох материалууд, нэр дэвшигчдийн саналын хуудсууд болон бусад баримт бичгийг нэгтгэн, сонгон шалгаруулалтын үйл ажиллагаа дууссанаас хойш 3 хоногийн дотор ШУТИС-ийн Захиргааны удирдлагын газарт хүргүүлнэ.
 - 4.13. Сонгон шалгаруулалтад ороогүй хүний материалыг тухайн тэнхимийн эрхлэгчийн албан тушаалд нэр дэвшүүлэхээр Захиргааны удирдлагын газарт хүргүүлэхийг хориглоно.
 - 4.14. ШУТИС-ийн Захиргааны удирдлагын газар хүргүүлсэн материалыг нэгтгэн, үр дүнг ШУТИС-ийн Ректор танилцуулсанаар Ректор тэнхимийн эрхлэгчдийг томилно. Шаардлагатай тохиолдолд Сонгон шалгаруулалтын комисс, нэр дэвшигчээс нэмэлт мэдээлэл, тодруулга авна.
 - 4.15. Хэрэв сонгон шалгаруулалтад оролцохоор нэг ч иргэн материал ирүүлээгүй бол Хүнс, хөнгөн үйлдвэрлэл, дизайны сургуулийн Захирал тухайн тэнхимийн эрхлэгчийн албан тушаалын шаардлага хангасан нэр дэвшигчдийг Ректор санал болгоно. Ректор санал болгосон нэр дэвшигчдийн холбогдох материалтай танилцаж, ярилцлага хийсний үндсэн дээр сонгож, сонгогдсон нэр дэвшигчийг тэнхимийн эрхлэгчээр томилно.
 - 4.16. Сонгон шалгаруулалттай холбогдон гарсан гомдол, хүсэлтийг Сонгон шалгаруулалтын комиссоос холбогдох хууль, журмын дагуу шийдвэрлэн, хариуг өгнө.